

西
莊
始
存
稿

西莊始存稿卷二十

洪範後案下

五皇極皇建其有極

傳曰大中之道大立其有中謂行九疇之義正義曰皇大也極中也此疇以大中爲名故演其義人主先自立其大中乃以大中教民論語允執其中謂此也

按五行傳曰王之不極是謂不建鄭注曰王君也不名體而言王者五事象五行則王極象天也人法天元氣純則不可以一體而言之也天

變化爲陰爲陽覆成五行經曰歷象日月星辰
敬授民時論語曰爲政以德譬如北辰是則天
之道於人爲政也孔子說春秋曰政以不由王
出不得爲政則是王君出政之號也極中也建
立也王象天以性情覆成五事爲中和之政也
王政不中則是不能立其事也蔡傳從朱子以
極爲至極之義標準之名非是說詳上文

斂時五福用敷錫厥庶民

敷宋世家作
傳古字通用

馬曰當斂是五福之道用布與衆民傳曰斂是
五福之道以爲教用布與衆民使慕之正義曰

五福生於五事五事得中則福報之斂是五福之道指敬用五事也不言敬用五事而云斂是五福者福是善之見者故以勸民

惟時厥庶民于汝極

馬曰以其能斂是五福故衆民於汝取中正以歸心也傳曰君上有五福之教衆民於君取中正義曰人皆有善性不能自成須君教之君有五福之教以大中教民民乃于君取中

錫汝保極

鄭曰又賜女以守中之道

史記集解

傳曰與君以安

中之善言從化正義曰保訓安也既得中則其心安之君以大中教民民以大中嚮君是從君化也

按民之於上而言錫者呂氏曰錫上下通稱如師錫帝曰禹錫元圭皆下錫上之謂是也

凡厥庶民無有淫朋人無有比德惟皇作極

釋文
此毗

志反

傳曰民有安中之善則無淫過朋黨之惡比周之德惟天下皆大爲中正

按建其有極而斂福敷錫者君之所以率民也

于汝極錫汝保極而無淫朋無比德以作極者
民之所以從君也君民之所以相與者如此君
則有諸已而后求諸人民則無面從而退有後
言所謂道之以德齊之以禮有恥且格者也此
至治之極惟唐虞之黎民於變時雍足以當之
然經言建極而曰斂時五福五福者五事之所
致則人君欲建極者仍不外五事求之蓋敬用
五事乃建極之實也由修己以敬而至于安百
姓則堯舜猶病矣蓋其功始于踐形而其效至
于贊化育而與天地參也自此以上爲皇極之

第一節

凡厥庶民有猷有爲有守汝則念之不協于極不罹于咎皇則受之而康而色曰予攸好德汝則錫

之福時人斯其惟皇之極

困學紀聞載大傳所引洪範文協作叶罹作麗

皆古今字耳釋文罹馬力駢反又來多反好呼報反又正義曰此經或言時人德鄭王諸本皆無德字此傳不以德爲義定本無德疑衍字也今考宋世家亦無德字

馬曰凡其衆民有謀有爲有所執守當思念其行有所趣舍也傳曰民戢有道有爲有守汝則念錄敘之凡民之行雖不合於中而不罹于咎惡皆可進用大法受之汝當安汝顏色以謙下

人人曰我所好者德汝則與之爵祿不合於中
之人汝與之福則是人此其惟大之中言可勉
進正義曰戢斂也因上斂五福故傳以戢言之
戢文兼下三事民能斂德行使其身有道德才
能有所施爲用心有所執守如此人者汝念錄
敘之宜用爲官也不合於中不懼於咎是中
人已上故皆可進用以大法受之大法謂用人
之法取其所長棄瑕錄用也安汝顏色以謙下
人此不合於中之人言曰我所好者德也是有慕
善之心汝則予之爵祿以長進之則是人此其

惟大中之道爲大中之人荀卿書云蓬生麻中
不扶自直白沙在涅與之俱黑信矣

按此節只當分作兩等人說上等人則念之中
等人則受之而假以顏色引納其言且錫之福
以誘進之不協于極不罹于咎只是中人正義
以爲中人以上者非是至蔡傳又以自言予攸
好德者別爲一等人非即不協極不罹咎者陳
師凱承其說遂以此節爲共分三等尤非而康
而色傳正義指君言蔡傳則指民言謂即民之
好德而有安和之色者不知兩而字即下文而

邦其昌有好于而家害于而家凶于而國之而
如蔡說則而字不可解矣王氏天與云而汝也
當依孔注指武王言言汝康和汝色俯就誘掖
之則人感發無隱於君曰我所好在德則君迎
其善意而錫之福也此說是

無虐癸獨而畏高明

釋文無虐馬本作亡侮癸岐
尚反畏如字徐云鄭音威按

宋世家作母侮鰥寡困學紀聞載大傳所引洪範
文亦作母侮鰥寡疑皆與馬本同當係古文本如
此但鄭本無考
今姑仍晚晉本

馬曰高明顯寵者不枉法畏之傳曰癸單無兄
弟也無子曰獨單獨者不侵虐之寵貴者不枉

法畏之正義曰此經皆是據天子無陵虐煢獨而畏避高明寵貴者顧氏亦以此經據人君小劉以爲據人臣謬也

按揚雄解嘲有高明之家鬼瞰其室之語則馬及傳說其來久矣然畏鄭音威繹其說似與馬異夫柔亦不茹剛亦不吐不侮鰥寡不畏強禦此人臣之特操而非人主之盛德也人主至尊挾其力以茹剛吐柔則偏而不中矣蓋煢獨者勢力孤弱之人高明者才智出衆之士虐煢獨閹主之事而威高明英主之蔽也若能于二者

並無之則平矣

人之有能有爲使羞其行而邦其昌凡厥正人既富方穀汝弗能使有好于而家時人斯其辜

釋文其行

如字徐下孟反

王曰使進其行任之以政則國爲之昌傳曰功能有爲之士使進其所行汝國其昌盛凡其正直之人既當以爵祿富之又當以善道接之如不能使正直之人有好于國家則是人斯其詐取罪而去正義曰功能有爲之士謂已在朝廷任用者也使進其行者或以言語勞來之或以

財貨賞賜之或更任之以大位如是則其人喜
于見知必當行自進益國其昌矣凡其正直之
人皆謂臣民有正直者爵祿所設正直是與已
知彼人正直旣當以爵祿富之又當以善道接
之言非徒與官又當數加燕賜使得其歡心也
彼喜于知已荷君恩德必進謀樹功有好善於
國家若雖用爲官心不委任禮意疎薄更無恩
紀必將奮衣而去不肯久留故言不能使正直
之人有好於國家則是人斯其詐取罪而去也
按正人蔡傳以爲卽康誥惟厥正人謂在官之

人此說迂曲此經上下所言臣民皆指其德不
指其官何獨于此正人而以爲官稱乎說見康
誥

于其無好德汝雖錫之福其作汝用咎

鄭曰無好于女家之人雖賜之以爵祿其動作

爲汝用惡謂爲天子結怨於民

史記集解

傳曰於其

無好德之人汝雖與之爵祿其爲汝用惡道以
敗汝善正義曰無好對有好有好謂有善無好
德謂性不好德之人定本作無惡誤耳

按旣陳正本出治之要遂言作人用賢之事蓋

人才國家之最急而取人君道之至切者也才德兼優之士斯爲上選固當念茲在茲矣其餘不合中道而未至爲惡者亦必廣爲收羅口雖慕善而行未克踐者亦必曲加誘勸笑獨則勿恣其陵虐而俾之各遂其生高明則勿逞我嚴威而務使各獻其技有能有爲者旣登于朝矣事權不屬才能何以自見故必進其行而委任以政事正直立身者旣授之爵矣恩紀不隆正人猶將遠去故必富其家而曲得其歡心蓋其于人才也博以收之無所不納寬以受之無所

不容如天之覆幬萬物焉誘掖獎勸以成就之
委曲鄭重以隆禮之如地之生殖萬物焉惟無
好德之人天性為惡不可化誨為聖世之所絕
苟非是族則無不養而用之也自此以上為皇

極之第二節

無偏無頗遵王之義

頗今本作陂釋文陂音秘舊本作頗音普多反按新唐志

開元十四年元宗以洪範無偏無頗聲不協詔改
為無偏無陂冊府元龜天寶三載勅曰典謨既作
雖曰不刊文字或訛豈必相襲朕聽政之暇乙夜
觀書匪徒閱于微言實欲暢于精理每讀尚書洪
範至無偏無頗遵王之義三復茲句常有疑據
其下文並皆協韻惟頗一字實則不倫又周易泰
卦无平不陂釋文云陂字亦有頗音陂之與頗訓
詁無別為陂則亦會意為頗則聲不成文應由煨

盡之餘編簡墜缺傳授之際差舛相沿原始要終
須有刊革朕雖先覺兼訪諸儒僉以爲然終非獨
斷其無偏無頗字宜改爲陂庶使先儒之義去彼
膏盲後學之徒正其魚魯仍宣示國學主者施行
文苑英華亦載此勅云是孫逖所草但陸德明釋
文成於貞觀本別自爲書後人取而散入注疏本
文之下陂音秘云乃後人所加陸氏本無也顧
氏炎武曰周禮肆師治其禮儀以佐宗伯注故書
儀爲義鄭司農云義讀爲儀古者書儀但爲義洪
廷隸釋云周禮注儀義二字古皆音義以今考之
漢孔耽神祠碑竭凱風以惆悵惟蓼儀以滄浪平
都相蔣君碑感慕詩人蓼蓼者儀並以儀爲義也
衛尉卿衡方碑感慕衛人之凱風悼蓼義之劬勞司
隸校尉魯峻碑悲蓼義之不報痛昊天禮注儀並
以義爲義也吳才老韻補儀牛何反周禮注儀作
義古皆音俄詩汎彼柏舟在彼中河髡彼兩髦實
惟我儀之死矢靡他又九十其儀其新孔嘉其舊
如之何又菁菁者莪在彼中阿旣見君子樂且有
儀又飲酒孔嘉維其令儀又慎爾出話敬爾威儀無不
朋友攸攝攝以威儀又慎爾出話敬爾威儀無不

柔嘉又辟爾為德俾臧俾嘉淑慎爾止不愆于儀
穆天子傳黃澤謠黃之隨其馬歟沙皇八威儀管
子弟子職相切相磋各長其儀劉向說苑食則有
節飲則有儀往則有文來則有嘉揚雄太元經陽
氣記施不偏不頗物與爭訟各遵其儀韓勅孔廟
禮器碑上合紫臺稽之中和下合聖制事得禮儀
儀皆音儀自中山王文木賦載重雪而捎勁風將
等於二儀始與枝雌知斯為韻顧氏此說是也今
正改

傳曰偏不平頗正改不正言當循先王之正義以

治民

無有作好遵王之道無有作惡遵王之路呼釋文好

惡鳥路反

馬曰作

以意增

好私好也傳曰言無有亂為私好

西莊始存稿

卷上十

九

惡動必循先王之道路

按王氏應麟曰天命有德天討有罪故無作好
無作惡韓非謂先王之法臣毋或作威毋或作
利從王之指無或作惡從王之路蓋述洪範之
言而失之也

無偏無黨王道蕩蕩無黨無偏王道平平

釋文平
川婢縣

反按說
見堯典

鄭曰黨朋黨

史記集解

傳曰蕩蕩言開闢平平言辯

治

無反無側王道正直

馬曰反反道也側傾側也傳曰言所行無反道
不正則王道平直

會其有極歸其有極

鄭曰會其有極謂君也當會聚有中之人以爲
臣也歸其有極謂臣也當就有中之君而事之
史記集解傳曰言會其有中而行之則天下皆歸其
有中矣

按此二句鄭注當與五事之肅又哲謀聖參看
蓋能會聚有中之人用之則必能會其有中而
行之已在先矣臣就有中之君而事之則天下

皆歸其有中益可知矣鄭說足以該傳義

又按建極之道首二節已盡此節皆作韻語不
過就執中之義而反覆詠歎之偏陂反側之胥
泯作好作惡之盡絕則立德歸于至純而用情
要于悉當至于君臣上下咸以一中相爲感應
而王道成矣自此以上爲皇極之第三節
曰皇極之敷言

馬曰王者當盡極行之使臣下布陳其言傳曰
曰者大其義言以大中之道布陳言教

按馬說非也傳是

是彝是訓于帝其訓

馬曰是大中而常行之用是教訓天下於天爲順也傳曰不失其常則人皆是順矣天且其順而況于人乎

按訓宋世家作順與傳說合蓋訓古通馴徐鍇曰訓者順其意以訓之故得爲順馬以上訓爲教下訓爲順連文異解非也

凡厥庶民極之敷言

馬曰亦盡極敷陳其言於上也傳曰凡其衆民中心之所陳言

按極之敷言猶云協于極之敷言馬以極爲盡極傳以極爲中心極即皇極而紛紛異解皆非也

是訓是行以近天子之光

釋文近附近之近

王曰民納言於上而得中者則順而行之近猶益也順行民言所以益天子之光傳曰凡順是行之則可以近益天子之光明

按王孔訓近爲益說文近巨靳切附也从辵斤聲增韻親也近之也若指遠近定體則巨謹切別爲一音毛晃曰凡遠近之近上聲附近之近

去聲附近有傳益之義論語附益之是也故近得爲益

曰天子作民父母以爲天下王

王曰政教務中民善是用所以爲民父母而爲天下所歸往傳曰言天子布德惠之教爲兆民之父母是爲天下所歸往不可不務

按王注政教務中釋皇極之敷言三句義民善是用釋凡厥庶民四句義蓋建極雖本躬行要亦不廢言教惟言皆常道則天人順之易文言曰先天而天弗違後天而奉天時天且弗違而

況于人乎是也然猶不敢予聖而集思廣益俾
庶民皆得敷言入告曲垂采納以附益其光明
其虛懷樂善不自滿假又如此則信不愧作君
作師之任矣自此以上為皇極之第四節曰聖
人者民之父母也母能生之能食之父能教之
能誨之聖人曲備之者也
能生之能食之能教之
之能誨之聖人曲備之者也
之為之庠序學校以教誨之為之宮室以處
飲食之故書曰作民父母以為天下王此之謂也此傳浮泛不足取

六三德一曰正直

鄭曰中平之人史記集解傳曰能正人之曲直

按傳解正直穿鑿無理鄭說是也前正直以王

道言此正直以人言其實一耳蓋皇極之道原以正直爲主此三德一疇乃聖人爲治通變之道以剛克柔克與正直調劑用之所以補皇極之所不足也

二曰剛克三曰柔克

鄭曰克能也剛而能柔柔而能剛寬猛相濟以成治立功

史記集解

剛則強柔則弱此陷于滅亡之

道非能也

詩正義四之三

三德人各有一德謂人臣也

馬曰克勝也傳曰剛克剛能立事柔克和柔能治三者皆德

平康正直彊弗友剛克燮友柔克

釋文燮
息協反

鄭曰安平之國使中平守一之人治之使不失
舊職而已國有不順孝敬之行者則使剛能之
人誅治之其有中和之行者則使柔能之人治
之差正之傳曰世平安用正直治之友順也世
彊禦不順以剛能治之燮和也世和順以柔能
治之正義曰釋訓云善兄弟爲友友是和順之
名故爲順也燮和也釋詁文此三德者人君之
德張弛有三隨時而用之王肅意與孔同鄭元
以爲人臣各有一德天子擇使之與孔不同

按三德鄭以爲人臣者蓋天子無職用人其職而天下之人才質不齊大約有此三等故隨其時地所宜用之若人君自有此三德而隨時以協于極此義已在皇極一疇中矣鄭說是也以上爲三德之第一節

沈潛剛克高明柔克

潛左傳史記並作漸

馬曰沈陰也潛伏也陰伏之謀謂賊臣亂子非一朝一夕之漸君親無將將而誅高明君子亦以德懷也傳曰沈潛謂地雖柔亦有剛能出金石高明謂天言天爲剛德亦有柔克不干四時

喻臣當執剛以正君君亦當執柔以納臣正義
曰文五年左傳天爲剛德猶不干時是言天亦
有柔德不干四時之序也地柔而能剛天剛而
能柔故以喻臣當執剛以正君君當執柔以納
臣也

按馬說非是傳據左傳亦微誤左傳寧羸引商
書云云杜預云沉漸猶滯溺也高明猶亢爽也
言各當以剛柔勝已本性乃能成全也據杜意
是言滯溺之人易至優柔故須以剛自克亢爽
之人易爲剛斷故須以柔自克承上文言彊弗

友愛友各有所宜人君旣已因其時地而用之
又言出治之人當使自治其氣質而矯其偏以
歸于中正詩所謂不剛不柔布政優優也彼文
又云天爲剛德云云者彼乃寧羸因陽處父性
質純于用剛必當賈禍故言天猶順四時之序
而不違況人豈可剛愎自用如此耳傳因此遂
以高明爲天沉潛爲地又生出臣正君君納臣
支節尤爲贅設皆非是平康正直三句言用人
之有道也沈漸剛克二句言教人以自治也二
者相因以育材而致治若洪鑪之在鎔大匠之

築室聖王經世宰物之機權惟于此矣以上爲

三德之第二節

惟辟作福惟辟作威惟辟玉食

釋文辟徐補亦反

鄭曰作福專爵賞也作威專刑罰也玉食備珍

異也

史記集解

此凡君抑臣之言也

公羊正義十七

馬曰辟

君也玉食美食不言王者關諸侯也玉曰諸侯

於國得專賞罰傳曰言惟君得專威福爲美食

按釋文引張晏漢書注云玉食珍食也又按釋

詁云辟君也天子諸侯之通稱詩相維辟公諸

侯也載見辟王天子也故馬王皆以辟兼諸侯

漢書注引韋昭亦云諸侯得備珍異之食

臣無有作福作威玉食臣之有作福作威玉食其

害于而家凶于而國人用側頗僻民用僭忒

釋文頗普

多反僻匹亦反僭于念反忒他得反

鄭曰害于女家福去室凶于女國亂下民

公羊疏

馬曰忒惡也王曰大夫稱家傳曰在位不敦平

則下民僭差

按權不致下移禮不敢上僭然後上下分定而

張弛時措之宜鼓舞裁成之妙惟大君之所運

用以成執中之治倘威權旁落名分顛倒尚何

德之可行哉以上為三德之第三節

七稽疑擇建立卜筮人乃命卜筮曰雨曰霽曰蒙

曰圉曰克曰貞曰悔凡七卜五占用二衍忒國今

驛釋文云霽子細反蒙武工反徐亡鉤反驛音亦

衍以淺反按霽宋世家作濟蒙作霧徐廣云一作

被驛作涕徐云一作洩裴駰云尚書作圉忒作賁

裴引鄭注與今不同者濟圉霧賁鄭周禮太卜注

引此五兆之文與今不同者濟圉蠲而皆以驛

在蒙之前繹此經正義五卷引鄭讀亦云霽聲近蒙

又詩齊風齊子豈弟箋古文尚書以弟為圉正義

云古文尚書即今鄭注尚書是也洪範卜兆有曰

圉蓋古文作悌今文作圉賈逵以今文校之定為

圉故鄭依賈氏所奏從定為圉於古文則為悌故

云古文尚書以悌為圉合而考之霽濟克尅忒賁

皆古字同用耳若蒙之為霽為蠲又為霧為被

之為弟為悌又為弟為洩則皆聲之轉也若改為

驛則其義全別乃晚晉本惟此一字必不可不從
鄭改正其餘雖亦當以從鄭為是然古字展轉假
借鄭周禮注所引與書注已自不同况龜法久亡
無由質其是非姑仍今本可也又按說文卜卜以
問疑也从卜貝以爲贊一曰鼎省聲京房所說陟盈
問也从卜貝以爲贊一曰鼎省聲京房所說陟盈
切每易卦之上體也商書曰貞曰劓从卜每聲荒
內切今考鄭本皆作稽作悔而正義以悔與晦同
故亦不改又按宋本賈昌朝羣經音辨引鄭讀濟
才禮切與釋文音子細反者不同當改從之若宋
本集韻引劉音蠡音茂茂
之爲蒙則正聲之轉耳

鄭曰言將考疑事選擇可立者立爲卜人筮人
卜五占用謂雨濟圉霧克也二衍賁謂貞悔也
將立卜筮人乃先命名兆卦而分別之兆卦之
名凡七龜用五易用二審此道者乃立之也雨

者兆之體氣如雨然也濟者如雨止之雲氣在

上者也周禮正義二十四引圉者色澤而光明

也正義作言霧者氣不釋鬱冥冥也正義作氣

色澤光明冥周禮正義二十四引作氣不澤鬱冥克者如祲氣之色相犯也

正義作如雨內卦曰貞貞正也外卦曰悔悔之

言晦也晦猶終也卦象多變故言衍賁也史記集解

馬曰占用二占筮也王曰雩天氣下地不應闇

冥也圉霍驛消滅如雲陰也克兆相侵入也卜

五者筮短龜長故卜多而筮少占用二者以貞

悔占六爻衍忒者當推衍其爻義以極其意傳

曰龜曰卜著曰筮考正疑事當選擇知卜筮人而建立之命以其職雨龜兆形有似雨者霽有似雨止者蒙陰闇驛氣落驛不連屬克兆相交錯五者卜兆之常法內卦曰貞外卦曰悔凡七卜筮之數正義曰龜曰卜著曰筮曲禮文灼龜爲兆其壘拆形狀有五種說文云霽雨止也霽似雨止則雨似雨下詩云零雨其蒙蒙是闇義故以蒙是陰闇驛氣落驛不連屬落驛希疎之意雨霽旣相對則蒙驛亦相對也克謂兆相交錯蓋兆爲二拆其拆相交也今之用龜其兆橫

者爲土立者爲木斜向經者爲金背經者爲火
因兆而細曲者爲水不知與此五者同異如何
此五兆不言一曰二曰者灼龜所遇無先後也
僖十五年左傳云秦伯伐晉卜徒父筮之其卦
遇蠱蠱卦巽下艮上說卦云巽爲風艮爲山其
占云蠱之貞風也其悔山也是內卦爲貞外卦
爲悔也爻從下起下體爲內上體爲外下體爲
本因而重之故以下卦爲貞言下體是其正悔
之言晦晦是月終言上體是其終也下言正見
上不正上言終見下爲始也卜五占用二衍忒

孔不爲傳鄭斷用從上句二衍忒指筮事王云
占五者卜多筮少占用二者以貞悔占衍忒者
推衍爻義卜五占二其義當如王解其衍忒宜
總謂卜筮皆當衍其義極其變非獨筮衍而卜
否也

按蒙圉傳作驛以斷與連相對鄭作圉以明與

闇相對

驛古文作弟或誤爲涕而司馬貞遂云涕泣相連之狀不但非鄭義而傳以驛

爲不連索隱以爲連克傳以爲兆相交鄭以爲
正與相反乃妄說也

色相侵王皆與傳同鄭是也齊詩載驅首章言
齊子發夕次章言齊子豈弟則豈弟自當爲發

夕之類此本刺文姜會齊襄公行淫亂之事豈
得加以愷悌樂易之美名故鄭以豈爲閭弟爲
圉圉明也上言發夕謂初夜即行此言開明謂
侵明而行往會襄公此古義也圉訓明正與蒙
霧對晚晉人妄改爲落繹以對蒙不知蒙暗豈
得但解爲連落驛即絡繹詩會同有繹是也豈
得解爲不連祇因說文以圉爲升雲半有半無
遂誤附其說而妄改

說文圖回行也从口畢聲
尚書曰圉圉升雲半有半

無讀若驛羊益切按此所引今書
無之不知亡篇中何篇之文也

不知日初升

而雲半有半無正是光明之狀豈爲不連乎克

勝也易曰大師克相遇春秋書克皆爲侵伐並
無交義亦當以色相侵爲確卜五占用言卜
也二衍賁句言筮也繫辭大衍之數五十其用
四十有九衍演也合天地之數演而用之十有
八變而成卦衍數所以立卦也故鄭云卦象多
變故言衍賁馬王與正義說皆非是

又按項氏謂雨水霽火蒙土驛木克金蔡傳又
改爲蒙木克土驛金胡氏渭駁云以五兆配五
行起自後世非古法也孔疏但舉今法以相况
曰不知同異如何未嘗以稽疑之五兆分配五

行也周禮占人疏亦云兆之墨縱橫其形體象如金木水火土凡卜欲作墨之時灼龜之四足依四時而灼之其兆直上向背者爲木兆直下向足者爲水兆邪向背者爲火兆邪向下者爲金兆橫者爲土兆此亦舉今法以相況未嘗以雨霽蒙驛克相配蔡傳率爾附會殊覺鹵莽

又按胡氏渭曰朱子語錄云貞悔不止一說如六十四卦則內卦爲貞外卦爲悔如揲蓍成卦則本卦爲貞之卦爲悔蔡傳宗之曰內卦爲貞外卦爲悔左傳蠱之貞風其悔山是也遇卦爲

貞之卦爲悔國語貞屯悔豫皆八是也程琰云
貞屯悔豫皆八蓋初與四五凡三爻皆變也初
與五用九變四用六變其不變者二三上在兩
卦皆爲八國語韋昭注亦内外卦之說與蔡傳
不合愚謂貞屯悔豫朱子以本卦屯爲貞之卦
豫爲悔故其筮法三爻變則占本卦及之卦之
彖辭據司空季子之占兩建侯以立法也此猶
可通獨皆八二字則其義有不可通者蓋惟純
坤六爻不變乃可謂皆八若屯之豫則本卦初
四五皆變有九有六之卦四亦是七安得云貞

屯悔豫皆八乎今考晉語公子親筮之曰尚有

晉國得貞屯悔豫皆八

韋注內曰貞外曰悔震下坎上屯坤下震上豫

得此兩卦震在屯為貞在豫為悔八謂震兩陰爻在貞在悔皆不動故曰皆八謂爻無為也

筮史占之皆曰不吉閉而不通

震動遇坎坎為險阻閉塞不通

爻無為也司空季子曰吉是在易皆利建侯不

有晉國以輔王室安能建侯我命筮曰尚有晉

國筮告我曰利建侯得國之務也吉孰大焉嘗

以此傳與注思之春秋傳凡言筮所得卦必曰

遇某之某如遇觀之否則占觀六四爻辭遇大

有之睽則占大有九三爻辭是也而此獨不然

曰得貞屯悔豫故韋注以爲得此兩卦震在屯
爲貞在豫爲悔解甚明確或云本卦屯爲貞之
卦豫爲悔非也信如所釋則當曰遇屯之豫矣
其專言震者何也長子主器有侯象公子筮得
國志在建侯故獨有取乎震也其曰貞屯悔豫
皆八者韋注以爲兩卦震二陰皆不變然所得
無之卦筮史槩云爻無爲司空季子亦占二象
則似兩卦六爻皆不變而此獨言震二陰者欲
成乎其爲君喜震體之不變也古者占大事不
嫌再三金縢連卜三龜易有初筮原筮原再也

猶原蠶之原得國大事公子用原筮故旣遇屯
又遇豫也昭七年衛人筮立君亦用原筮其占
亦皆主震初筮元遇屯其彖曰利建侯再筮孟
縶遇屯之比曰盤桓利居貞利建侯縶足不良
弱行史朝以利居貞當之曰弱足者居而以利
建侯屬元遂立靈公由是觀之貞屯悔豫其爲
再筮得兩卦而非遇屯之豫益明矣

立時人作卜筮

鄭曰立是能分別兆卦之名者以爲卜筮人

史記

集解

三人占則從二人之言

鄭曰卜筮各三人太卜掌三兆三易

儀禮正義十二從

其多者著龜之道幽微難明慎之深

史記集解傳曰

夏殷周卜筮各異三法並卜從二人之言善鈞

從眾卜筮各三人正義曰言三人占是占此卜

筮法常有三人周禮太卜掌三兆之法一曰玉

兆二曰瓦兆三曰原兆掌三易之法一曰連山

二曰歸藏三曰周易杜子春以爲玉兆帝顓頊

之兆瓦兆帝堯之兆又云連山處犧歸藏黃帝

三兆三易皆非夏殷而孔意必以三代夏殷周

法者以周禮指言一曰二曰不辨時代之名考
工記云夏世室殷重屋周明堂郊特牲云夏收
殷皞周冕皆以夏殷周三代相因明三易亦夏
殷周相因之法子春之言孔所不取鄭元易贊
亦云夏曰連山殷曰歸藏與孔同也所言三兆
三易必是三代異法故傳以爲夏殷周卜筮各
異三代異法三法並卜法有一人故三人也從
二人之言者二人爲善旣釣故從衆若三人內
賢智不等雖少從賢不從衆也善釣從衆成六
年左傳文旣言三法並卜嫌筮不然故又云卜

筮各三人也經惟言三占從二何知不一法而三占而知三法並用者金縢云乃卜三龜一習吉儀禮士喪卜葬占者三人貴賤俱用三龜知卜筮並用三代法也

按胡氏渭曰林氏之奇云儀禮士喪禮凡卜日卜人先奠龜西塾上有席楚燂置於樵在龜東族長泣卜宗人之于門西占者三人在其南是古者將卜必立三人也林氏又云三兆三易論者以爲夏商周然劉氏彙云九疇夏書也周末受命豈有三代占筮之人乎則此說非也杜子

春云玉兆帝顓頊之兆瓦兆帝堯之兆原兆周
之兆連山伏羲之易歸藏黃帝之易周易神農
之易蓋自有卜筮以來相傳有三法故所占必
歷三人也林說似有據然周易爲神農之易矣
而原兆則杜亦以爲周之兆也此豈箕子前所
有乎蓋用一人占恐其或有私見而所占未當
二人則一吉一凶將安所適從惟用三人則皆
吉皆凶無論一凶二吉則爲之一吉二凶則靜
而不作是爲善釣從衆未必兼用三代之法而
三人各占其一也

汝則有大疑謀及乃心謀及卿士謀及庶人謀及

卜筮

鄭周禮注引此謀及庶人作民正義于下節云變庶人言庶民者嫌庶人惟指在官者

變言民見其同竊疑鄭本槩作庶民正義乃衍說耳今姑仍其舊

鄭曰卿士六卿掌事者傳曰將舉事而汝有大

疑先盡汝心以謀慮之次及卿士衆民然後卜

筮以決之正義曰謀及卿士以卿爲首其大夫

及士亦在焉周禮小司寇掌外朝之政以致萬

民而詢焉一曰詢國危二曰詢國遷三曰詢立

君是有大疑而詢衆也小司寇又曰以三刺斷

庶民獄訟之中一曰訊羣臣二曰訊羣吏三曰

訊萬民彼羣臣羣吏分而爲二此惟言卿士者
彼將斷獄令衆議然後行刑故臣與民爲三其
人主待衆議而決之此則人主自疑故人主爲
一又總羣臣爲十也

按周禮有大事衆庶得至外朝與羣臣以序進
而天子親問焉所謂謀及庶人者也

汝則從龜從筮從卿士從庶民從是之謂大同身

其康彊子孫其逢吉

逢從夆如馬
解則從夆

馬曰逢大也傳曰人心和順龜筮從之是謂大
同於吉動不違衆故後世遇吉也正義曰此必

臣民皆從乃問卜筮而進龜筮於上者尊神物
故先言之不在汝則之上者卜當有主故以人
爲先下三事亦然

按逢不必從馬作大

汝則從龜從筮從卿士逆庶民逆吉卿士從龜從
筮從汝則逆庶民逆吉庶民從龜從筮從汝則逆
卿士逆吉

鄭曰此三者皆從多故爲吉

史記集解

正義曰此皆

三從二逆除龜筮外汝與卿士庶民三者各爲
一從二逆嫌其貴賤有異從逆或殊故三者各

以有一從爲主見其爲吉同也

汝則從龜從筮逆卿士逆庶民逆作內吉作外凶

鄭曰此逆者多以故舉事於境內則吉境外則

凶

史記集解

傳曰二從三逆龜筮相違故可以祭祀

冠婚不可以出師征伐正義曰此經龜從筮逆

其筮從龜逆爲吉亦同故傳言龜筮相違見龜

筮智等僖四年左傳云筮短龜長者晉獻公欲

以驪姬爲夫人卜既不吉更令筮之神靈不以

實告筮之得吉卜人欲令公舍筮從卜故曰筮

短龜長非龜實長也此二從三逆以汝與龜爲

二從耳卿士庶民謀有一從亦是二從凶吉亦
同故不復設文同可知也若然汝卿士庶民皆
逆龜筮並從亦是二從三逆而經無文者君與
臣民皆逆本自不問卜矣何有龜筮從之理也
周禮筮人國之大事先筮後卜鄭元云筮之凶
則止何有筮逆龜從及龜筮俱違者崔靈恩以
爲筮用三代之占三占俱凶則止不卜即鄭注
周禮筮凶則止是也若三占二逆一從凶猶不
決猶得更卜故此有筮逆龜從之事或筮凶則
止不卜乃是鄭元之意非周禮經文未必孔之

所取曲禮云卜筮不相襲鄭云卜不吉又筮筮
不吉又卜是謂瀆龜筮周禮太卜小事筮大事
卜應筮而又用卜應卜而又用筮及國之大事
先筮後卜不吉之後更作卜筮如此之等是爲
相襲皆據吉凶分明不可更爲卜筮若吉凶未
決於事尚疑者則得更爲卜筮僖二十五年晉
侯卜納王得阪泉之兆曰吾不堪也公曰筮之
遇大有之睽又哀九年晉趙鞅卜救鄭遇水適
火又筮之遇泰之需之類是也周禮先筮後卜
春秋先卜後筮者不能依禮故也

按蔡傳云有龜從筮逆無筮從龜逆者龜尤聖人所重禮記大事卜小事筮傳謂筮短龜長是也自夫子贊易極著著卦之德著重而龜書不傳此說非也短長之說乃權詞正義已駁去蔡復掇拾殊屬支綴古大事兼有卜小事徒筮而已易道彌綸天地豈有筮小龜大之理龜筮共違于人用靜吉用作凶

鄭曰龜筮皆與人謀相違人雖三從猶不可以舉事

史記集解

傳曰龜筮皆逆安以守常則吉動則

凶

按稽疑一疇分爲二節自衍賁以上先列卦兆之名目自此以下備論卜筮從違之宜

八庶徵曰雨曰暘曰燠曰寒曰風曰時

釋文暘音陽

鄭曰庶衆也徵驗也謂衆行得失之驗

禮記禮器正義

雨木氣也春始施生故木氣爲雨暘金氣也秋

物成而堅故金氣爲暘燠火氣也寒水氣也風

土氣也凡氣非風不行猶金木水火非土不處

故土氣爲風

詩正義十五之二

傳曰雨以潤物暘以乾

物煖以長物寒以成物風以動物五者各以其時所以爲衆驗正義曰易說卦云風以散之雨

以潤之日以烜之日暘也烜乾也是雨潤物暘
乾物風動物也繫辭云寒往則暑來暑往則寒
來寒暑相推而歲成焉是暑長物寒成物也釋
言云燠煖也舍人曰燠溫煖也是燠煖爲一故
傳以煖言之昭元年左傳云天有六氣陰陽風
雨晦明也以彼六氣校此五氣雨暘風文與彼
同彼言晦明此言寒燠則晦是寒明是燠也惟
彼陰於此無所當耳五行傳說五事致此五氣
云貌之不恭是謂不肅厥罰恒雨惟金沴木言
之不從是謂不乂厥罰恒暘惟木沴金視之不

明是謂不替厥罰恒燠惟木沴火聽之不聰是
謂不謀厥罰恒寒惟火沴水思之不睿是謂不
聖厥罰恒風惟木金水火沴土如彼五行傳言
是雨屬木暘屬金燠屬火寒屬水風屬土鄭用
五行傳爲說孔意亦當然也六氣有陰五事休
咎皆不致陰五行傳又曰皇之不極厥罰常陰
是陰氣不由五事別屬皇極蓋用中則陰順時
爲休不中陰恒若爲咎也

按胡氏渭曰曰時兼有不時意來備以敘時也
極備極無不時也此古人立文之體又按蔡傳

于此引吳仁傑說雨爲水暘爲火燠爲木寒爲金以証貌水言火視木聽金之說其說非是辨已見前又以稽疑雨屬水霽屬火証雨之爲水暘之爲火則更妄矣卜兆分配五行乃蔡氏妄造正義明云後世龜法有五行不知與此五兆同異如何蔡乃以已之妄証其妄不可從

五者來備各以其敘庶草蕃廡一極備凶一極無

凶

釋文蕃音煩廡無甫反徐莫柱反按書傳會選云古文蕃無但作無音武而有無但作无亡後

人既以無爲有無之無故此經今文加广以別之廡乃堂下周室之名音同而義則非矣說文作𡩂註引書作庶艸蕃無無即𡩂字後人省兩木爲四點也當從說文按此說是也但鄭本無可考姑仍

之

傳曰五者備至各以次序則衆草蕃滋廡豐一者備極過甚則凶一者極無不至亦凶謂不時失敘正義曰廡豐也釋詁文

曰休徵曰肅時雨若曰乂時暘若曰晷時燠若曰謀時寒若曰聖時風若

傳曰敘美行之驗君行敬則時雨順之君行政治則時暘順之君能照晷則時燠順之君能謀則時寒順之君能通理則時風順之正義曰此致上文各以其敘廡草蕃廡也

曰咎徵曰狂恒雨若

釋文咎其九反

鄭曰狂倨慢也恒常也若順也

公羊疏詩正月正義

傳曰

敘惡行之驗君行狂疾則常雨順之正義曰此

致上文一極備凶一極無凶也對敬故為慢

按恒若極備凶也恒雨無暘恒燠無寒言極備

則極無可知

又按五行傳曰不肅厥咎狂

鄭元注曰君臣不敬則倨慢如狂矣

說曰肅敬也內曰恭外曰敬人君行已體貌不恭怠慢驕蹇則不能敬萬事失在狂易故其咎

謂狂也顏師古曰狂易厥罰恒雨主春春氣生木木

氣失則踰其節故恒雨也說曰上嫚下暴則陰氣勝故其罰常雨也南齊書志曰下不敬則上

無威不敬其君不從其政時則有服妖鄭曰服則陰氣勝故厥罰常雨也說曰風俗狂慢變節易度則為剽輕奇怪之服故有服妖凡草物之類謂之妖妖猶天胎少小之類言其時則有龜蜃鄭曰龜蜃之生于水事之尚微也時則有龜蜃而游于春者也屬木說曰水類動故有龜蜃蟲牙之類謂之蜃蜃則牙蜃矣顏師古曰有足謂之蟲無足謂之蜃蜃則劉歆于此作鱗蟲之蜃說以為于天文東方辰為龍星故為鱗蟲考之月令春蟲鱗冬蟲介故劉歆改貌傳為鱗蟲之蜃聽傳為介蟲之蜃則貌當言魚聽當言龜伏生以貌傳龜蜃聽傳魚蜃蓋兩易之而誤也鄭從而釋之者以注家之體不敢輒易傳義耳五行說亦皆因而附會以為水類動則有龜蜃不知以為水類則正當入聽傳矣服虔以為多雨則龜多出如淳以為龜蜃即河魚大上之比皆強說也至聽傳五行說又以為雨以龜為蜃龜能陸處非極陰魚去水而死為極陰不知坎為水坎乃陰中時則有雞有陽正不得為極陰當從劉歆為是時則有雞

既鄭曰雞畜之有冠翼者也屬貌說曰于易巽
為雞雞有冠距文武之貌不為威儀貌氣毀
故有雞既一曰水歲雞多死及為怪亦是也
六畜謂之既言其著也劉歆于此作羊既說以
為于易兌為羊木為金所病故致羊既與常雨
同應班固以為此說非是春與秋氣陰陽相敵
木病金盛故能相并惟此一耳既與妖病祥
肯同類不得獨異按羊既視不明之罰班固說
是時則有下體生于上之病鄭曰病病也貌氣
也失威儀則下有彊臣害君上者故有下體生于
上之病及人謂之痾痾病貌言寤深也韋昭曰
下體生上若梁孝王之時牛足反出背上時則
也此下欲伐上之禍劉歆于此作鼻病上時則
有青青青祥鄭曰青木色也青生于內祥自外
異物生謂之青自外來謂之祥祥猶禎也每一
事云時則以紀之言非必俱至或有或亡或在
前或在後也惟金沴木鄭曰沴也凡貌言視
李奇注略同

人心逆則怨木金水火土氣爲之傷傷則衝勝
來乘殄之于神怒人怨將爲禍亂故五行先
見變異以譴告人及妖孽禍病青祥皆其氣類
暴作非常爲時怪者也各以物象爲之占也說
曰凡貌傷者病木氣木氣病則金沴之衝氣相
通也于易震在東方爲春爲木也兌在西方爲
秋爲金也離在南方爲夏爲火也坎在北方爲
冬爲水也春與秋日夜分寒暑平是以金木之
氣易以相變故貌傷則致秋陰常雨言傷則致
春陽常旱也至于冬夏日夜相反寒暑殊絕水
火之氣不得相併故視傷常與聽傷常寒者其
氣然也氣相傷謂之沴沴猶凌厲不和意也

曰僭恒暘若

傳曰君行僭差則常暘順之

按五行傳曰不艾厥咎僭鄭曰君臣不治則僭

治也孔子曰君子居其室出其言不善則千里之外違之况其邇者乎詩云如蜩如螭如沸如

羹言上號令不順民心虛譁僭亂則不厥罰恒
能治海內失在過差故其咎僭僭差也
陽鄭曰言曰金金主秋秋氣殺殺氣失故常陽
也說曰刑罰妄加羣陰不附則陽氣勝故其
罰常陽也春秋考異郵曰君行非是則言不見
從言不見從則下不治下不治則僭差過制奢
侈驕泰天子僭天大夫僭人主諸侯僭上陽無
以制從心之喜上憂下則常陽從之推設其賁
考之天意則大旱時則有詩妖鄭曰詩之言志
不雨而民庶大災時則有詩妖鄭曰詩之言志
而暴虐臣畏刑而柑口則怨謗之氣發于歌謠
故有詩妖顏師古曰炕陽枯涸之意謂無惠澤
于時則有介蟲之孽鄭曰蛭蝻蚰蟬之類生于
下介蟲孽者謂小蟲有甲飛揚之類陽氣所生
也於春秋為蟲今謂之蝗皆其類也按劉歆于
此作毛蟲說以為于天文西方參為火星故為
毛蟲沈約宋書五行志曰介蟲劉歆以為毛蟲
月令秋蟲毛宜如歆說是以舊史從時則有犬
之隋五行志亦依歆作毛蟲是也

禍

鄭曰犬畜之以口吠守者屬言說曰于易兌為口犬以吠守而不可信言氣毀故有犬禍

一曰

早歲犬多狂時則有口舌之病
鄭曰言氣死及為怪亦是也

病

口喉欬者多時則有白青白祥
說曰金色白故

惟木疹金

說曰凡言傷者病金氣金氣病則木疹之

曰舒恒煥若

舒今本作豫釋文羊庶反徐又音舒正義云鄭王本作舒宋世家亦作舒

索隱曰下有曰急急蓋逸豫之義與舒緩意本相同而舒對哲又與急自相對意味尤長晉書五行志

引經處作豫引傳處仍作舒沈約宋書志及隋書志新唐書志皆作舒今從之

鄭曰舒舉遲也言人君舉事太舒則有常煥之

咎氣來順之

公羊疏

王曰舒惰也傳曰君行逸豫

則常煥順之正義曰舒對照哲故為遲惰

按五行傳曰不愆厥咎荼

鄭曰君視不瞭則荼

云爾德不明以亡陪亡卿不明爾德以亡背亡

長同類亡功者受賞有罪者不殺百官廢亂失

在舒緩故其咎舒也按荼與舒同劉昭引識曰

君舒急臣下有倦白黑不別賢不肖厥罰常燠

並不能憂民急氣為之舒緩草不搖

鄭曰視曰火火主夏夏氣長氣失故恒燠也

說曰盛夏日長暑以養物政弛緩故其罰常與

也時則有草妖鄭曰草視之物可見者莫衆于

臣下則殺不以時故有草妖凡妖貌則以服言

則以詩聽則以聲視則以色者五色物之大分

有保蟲之孽

鄭曰蠶螟蟲之類蟲之生火而

藏于秋者也說曰溫與生蟲故有

贏蟲之孽謂螟螣之類當死不死未當生而生

或多于故而為災也按劉歆以不為保蟲之孽屬

思心不睿此視傳作羽蟲說以為于天文南方

喙為鳥星故為羽蟲沈約宋書志云月令夏蟲

羽宜如歆說隋志時則有羊駝鄭曰羊畜之遠

亦從歆作羽蟲時則有羊駝視者也屬視說

曰於易剛而包柔羊大目而不精明視氣毀故有羊

駝剛而包柔羊大目而不精明視氣毀故有羊

駝一曰暑歲羊多疫死及為怪亦是也按劉歆

于此作雞駝說以為孽為羽蟲駝亦從羽故為

雞班固云雞於易時則有目疴按顏師古不採

自在巽歆說非是時則有目疴鄭注司馬彪于

此傳遺此一句鄭注遂亡

時則有赤青赤祥

說曰

火色赤故有惟水沴火說曰凡視傷者病火

赤青赤祥

惟水沴火

氣火氣傷則水沴之

曰急恒寒若

鄭曰急促自用也

正義傳曰君行急則常寒

順之正義曰謀者用人之言故急為自用已

按五行傳曰不謀厥咎急鄭曰君臣不謀則急矣說曰言上偏聽不

聰下情隔塞則不能謀慮利厥罰恒寒鄭曰聽

害失在嚴急故其咎急也利

主冬冬氣藏藏氣失故恒寒也說曰盛冬時則

日短寒以殺物政促迫故其罰常寒也冬時則

有鼓妖鄭曰鼓聽之應也說曰君嚴猛而蔽下

故有妖時則有魚孽鄭曰魚蟲之生于水而游于

鼓妖時則有魚孽鄭曰魚蟲之生于水而游于

孽雨以龜為孽龜能陸處非極陰也魚去水而

死極陰之孽也按劉歆于此作介蟲之孽劉昭

注引蔡邕月令章句曰介者甲也謂時則有豕

龜蟹之屬也劉歆說是已見貌傳時則有豕

既鄭曰豕畜之居閑衛而聽者也屬聽說曰于

死及為怪亦是也時則有耳疴鄭曰聽氣失

人則多時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

病耳者時則有黑青黑祥說曰病說曰及

沴水

說曰凡聽傷者病水氣水氣病則火沴之

曰蒙恒風若

蒙宋世家作霧晉書志同五行傳又作霽皆古字輒

轉相通耳玩正義所引鄭注則鄭所傳古文尚書亦作蒙

鄭曰蒙見冒亂也王曰蒙瞽蒙也傳曰君行蒙

闇則常風順之正義曰聖是通達故蒙爲瞽蒙

所見冒亂

按五行傳曰不聖厥咎蒙

鄭曰蒙冒也君臣心

說曰貌言視聽以心爲主四者皆失則相蒙冒矣

識故其咎霜也顏師古曰區音口豆反霜音莫

豆反按說文霜天氣下地不應厥罰恒風

鄭曰

曰霜霜晦也从雨猪聲莫弄切

亦出土土主四時四時主消息生殺長藏之氣風

亦出內雨陽寒燠之徵皆所以殖萬物之性命

者也。殖氣失故。恒風說曰。雨旱寒燠。亦時則有。以風爲本。四氣皆亂。故其罰常風也。

脂夜之妖。鄭曰。夜讀曰液。說曰。在人腹中肥而。包裹心者。脂也。心匿。霧則冥晦。故有。

脂液之妖。一曰。有脂物而夜爲妖。若脂水。夜汗。人衣淫之象也。一曰。夜妖者。雲風並起而杳冥。

故與常風同象也。按說有三。第一說。讀夜爲液。者是與鄭合。顏師古仍作夜。解爲脂妖。及夜妖。

誤也。脂水。夜汗。固屬曲說。雲時則有華孽。鄭曰。風杳冥。又類常陰。皆非是。

爲夸夸。蚘蟲之生于土而遊于土者。按華孽。劉向說以爲于易。巽爲風。爲木卦。在三月四月。繼

陽而治。主木之華實。風氣盛至。秋冬復華。一曰。華者。故有華孽。一曰。地氣盛則秋冬復華。一曰。華者。色

也。土爲內事。爲女孽也。此三說皆曲說。不足取。鄭亦知華孽之非。而改讀爲夸。夸以聲相近耳。劉

歆于此作羸蟲之孽。說以爲螟螣之屬。溫而風則生螟螣。月令中央土其蟲倮。劉歆是也。時

則有牛旤。鄭曰。牛畜之任重者也。屬土。說曰。于易坤爲土。爲牛。牛大心而不能思慮。

思心氣毀故有牛旤一曰時則有心腹之病鄭
牛多死及為怪亦是也
思心氣失之病說曰時則有黃青黃祥說曰土
及人則多病心腹者時則有黃青黃祥色黃故
有黃青惟金木水火土鄭曰志論皆言君不
黃祥寬容則地動元或疑
焉今四行來診土地乃動臣下之相率為畔逆
之象君不通于事所致也以為不寬容亦皆為
陰勝陽臣強君之異按容為睿之誤故鄭破之
又姑存其說惟班固作時則有說曰凡思心傷
者病土氣土氣病則金木水火土火土
有金木水火土氣病則金木水火土火土
一衝氣所診明其異大也司馬彪仍作惟蓋諸
家所據之本各不同耳沈約引班志末三句即
以為班氏語非也

又按蔡傳曰在天為五行在人為五事休徵咎
徵各以類應自然之理也然必曰某事得則某

休徵應某事失則某咎徵應則亦膠固不通而不足與語造化之妙矣此說似屬圓通然朱子云庶徵若不細心體識如何見得如漢儒之說有某事必有某應古人意精密只於五事上體察是有此理如王荊公都不說感應只以若字作譬喻說則人君亦不必警戒矣宋儒如林之奇輩皆不信五行傳妄說紛紛俱不足辨

曰王省惟歲卿士惟月師尹惟日歲月日時無易百穀用成乂用明俊民用章家用平康日月歲時既易百穀用不成乂用昏不明俊民用微家用不

寧

釋文省息井反宋世家作
肯于義無取音之誤也

鄭曰所以承休徵咎徵言之者休咎五事得失
之應其所致尚微故大陳君臣之象成皇極之
事其道得則其美應如此其道失則敗德如彼
非徒風雨寒燠而已馬曰王省惟歲言王者所
省職如歲兼四時也傳曰王所省職兼所總羣
吏如歲兼四時卿士各有所掌如月之有別衆
正官之吏分治其職如日之有歲月三者各順
常則百穀成政治明賢臣顯用國家平寧是三
者已易喻君臣易職君失其柄權臣擅命治闇

賢隱國家亂正義曰旣陳五事之休咎又言皇極之得失與上異端更復言也歲月日皆以喻職事王如歲兼四時下句惟有月日無喻時者但時以統月故傳以四時言之言兼月日也師衆尹正衆正官之吏謂卿士之下有正官大夫與其同類之官爲長周禮大司樂爲樂官之長太卜爲卜官之長此之類也詩稱赫赫師尹乃謂三公之官此以爲正官之吏謂大夫者以此師尹在卿士之下知是大夫與小官爲長亦是衆官之長故師尹之名同耳

按鄭馬孔以此節爲明皇極之得失卿士師尹其得失皆視王也而蔡傳以爲仍承上文雨暘燠寒風而言王之得失徵以歲卿士之得失徵以月師尹之得失徵以日蓋雨暘燠寒風之休咎有係一歲之利害有係一月之利害有係一日之利害各以其大小而言歲月日三者雨暘燠寒風不失時則有其效休徵所感也歲日月三者雨暘燠寒風失其時則有其害咎徵所致也此說杜撰欠理人之于天相爲感應其職近者應之速其職遠者應之遲人主于天宜呼吸

相通五事偶失即宜謫見于天乃反遲之又久而以歲計卿士師尹職愈卑賤去天愈遠而感應神速反在一月一日之間殊覺顛倒不順假如其說則一月一日中雨暘燠寒並失其時皆可諉爲卿士師尹之責而王竟置之勿問乎且一月中雨暘或有異宜燠寒已難兼致况一日中斷無雨暘燠寒並至之事亦何由而驗其時與不時也蔡意蓋必欲以庶徵一疇內爲無皇極之事故強爲此說不特害理其于文勢亦竟同贅疣如鄭馬孔以王省以下至則以風雨皆

言皇極之徵以歲月日作喻意解說最精當時
是同蔡以爲即上文曰時之時非也

庶民惟星星有好風星有好雨

釋文好呼報反

鄭曰箕星好風者箕東方木宿風中央土氣木
克土土十爲木八妻從妻所好故好風也畢星
好雨者畢西方金宿雨東方木氣西方金氣尅
東方木木八爲金九妻從妻所好故好雨也推
此而往則南宮好暘北宮好燠中宮四季好寒
也是由已所克而得其妃以各尚妻之所好故

也

宋本禮記二十二卷月令正義周禮十八卷
大宗伯疏詩十五卷小雅漸漸之石正義

按箕好風畢好雨馬注與鄭同漢天文志云箕

星爲風東北之星也下即繼以書云星有好風

是好風好雨從古有此說蔡傳云箕好風畢好

雨意者星宿皆有所好也閻氏若據云星占又

有東井好風雨之說蔡氏遺漏未舉又天官書

天文志並云軫爲車主風蓋軫車象也與巽同

位爲風車動行疾似之孫武子亦云箕壁翼軫

四宿者風起之日春秋傳曰火水妃也妃者合

也陰陽書有五行妃合之說甲乙木也丙丁火

也戊己土也庚辛金也壬癸水也木克土土克

水水克火火克金金克木火畏水以丁爲壬妃

故一與二合丁壬也土畏木以己爲甲妃故三

與十合甲巳也水畏土以癸爲戊妃故五與六合戊癸也金畏火以辛爲丙妃故七與四合丙辛也木畏金以乙爲庚妃故九與八合乙庚也其一與二三與十五與六七與四九與八相合之義則昭十七年春秋傳曰水火之牡也劉歆說云水以天一爲火二牡木以天三爲土十牡土以天五爲水六牡火以天七爲金四牡金以天九爲木八牡陽奇爲牡陰偶爲妃故曰水火之牡也又曰火水妃也易繫辭天數五地數五五位相得而各有合天數一三五七九地數二

四六八十一二三四五得五皆爲六七八九十
此之謂相得而丁壬等之各爲牡妃其中具有
相合之義此天地五行之合也鄭注意本此上
文旣言皇極不可改易此又言民之好尚不齊
如星之各有所好故君當執中以爲民極也
日月之行則有冬有夏

鄭曰四時之間合于黃道也

宋本禮記正義二十四

王曰

日月行有常度君臣禮有常法以齊其民傳略
同正義曰日月之行四時皆有常法冬夏爲南
北之極故舉以言之日月行有常度喻人君政

有常法張衡蔡雍王蕃等說渾天者皆云周天三百六十五度四分度之一天體圓如彈丸北高南下北極出地上三十六度南極入地下三十六度北極去南極直徑一百二十二度弱其依天體隆曲南極去北極一百八十二度彊正當天之中央南北二極中等之處謂之赤道去南北極各九十一度春分日行赤道從此漸北夏至赤道之北二十四度去北極六十七度去南極一百一十五度日行黑道從夏至日以後日漸南至秋分還行赤道與春分同冬至行赤

道之南二十四度去南極六十七度去北極一百一十五度其日之行處謂之黃道又有月行之道與日道相近交路而過半在日道之裏半在日道之表其當交則兩道相合交去極遠處兩道相去六度此其日月行道之大略也

按以日月之行有常度喻政之有常法而不妄徇民欲能建極者如此

月之從星則以風雨

鄭曰春秋緯云月離於箕則風揚沙不言日者日之從星不可見故也傳曰月經於箕則多風

離於畢則多雨政教失常以從民欲亦所以亂
正義曰詩云月離于畢俾滂沱矣其文見於經
經箕則多風傳記無其事鄭引春秋緯孔亦用
之也月行雖有常度時或失道從星鄭以爲從
妻所好顧氏亦同言從星者不應從而從以致
此風雨喻政教失常以從民欲所以亂也
按以月之從星而致風雨喻政之失其常而苟
以悅人不能建極者如此蓋聖人爲治裁天下
之不中以歸于中故所欲與聚所惡勿施毋拂
百姓以從己之欲也道之以德齊之以禮毋違

道以千百姓之譽也二者並行不悖故以日月
有常喻極之建月行從星喻極之不建其意至
深切矣林氏之奇曰月之從星則以風雨即漢
書天文志所謂月去中道移而東北入箕則多
風移而西入畢則多雨蓋以其失中道而東西
故也爲政似此其害有不可勝言者至蔡傳剗
立別解以爲凡民寒欲衣飢欲食鰥寡孤獨欲
得其所此王政所先而卿士師尹近民者之責
也然星雖有好風好雨之異而日月之行則有
冬夏之常以月之常行而從星之異好以卿士

師尹之常職而從民之異欲則其從民者非所以徇民矣此說之謬不可勝言飢寒鰥寡孤獨王者視之方如痼瘕在身豈獨卿士師尹之責蔡誤執此節日月即上文卿士惟月師尹惟日故爲此說且養民之欲乃王政也安有所謂徇民之嫌而云非所以徇民乎況如其說則月之從星乃爲常行而非失道矣皆謬也

又按五行傳曰王極不建厥咎

鄭曰咎與思心之咎同耳

故于駿傳曰咎眚眚亂也君臣不立則上下亂矣說曰人君貌言視聽思心五事皆失不得其中則不能立萬事失在眚悖故其咎眚也按齊漢志直作眚服虔注云眚音老耄蕭子顯南齊

書志云皇極不建其咎在霧亂失聽故厥咎霧思心之咎亦霧此說與鄭合

陰鄭曰王極象天天下承天養萬物陰氣失故恒陰也說曰王者自下承天養萬物雲起于山而彌

于天天氣亂故其罰常陰也一曰上失中則下彊盛而蔽君明也按南齊書志云天者正萬物

之始王者正萬事之始失中則害天氣類相勵也天者轉于下而運于上雲者起于山而彌于

天天氣動則其象應故厥罰常陰王者失中臣下盛強而蔽君明則雲陰亦衆多而蔽天光也

此與漢志時則有射妖鄭曰射皇極之度也射說小異

之發矢則必中於彼矣君將出政亦先于此儀度之出則應于民心射其象者也說曰盛陽動

進輕疾禮春而大射以順陽氣上微弱則時則下奮動故有射妖按鄭注備矣說非也

有龍蛇之孽鄭曰龍蟲之生于淵行于無形游龍無角者曰蛇說曰易曰雲從龍又曰龍蛇之

蟄以存身也陰氣動故有龍蛇之孽按鄭注是

龍陽也說反時則有馬駝鄭曰天行健馬畜之以爲陰非是
曰于易乾爲君爲馬馬任而彊力君氣時則毀故有馬駝一曰馬多死及爲怪亦是也
有下人伐上之疴鄭曰夏侯勝說伐宜爲代書性情之神曰魂魄傷也王松氣失之病也天于不中之人恒
者其味厚其毒增以爲病將以開賢代之也春秋傳所謂奪伯有魄者是也不名病者病不省
于身體也按劉歆此傳以爲下人伐上天誅已成不得復爲疴是也而遂改爲下體生上之疴
則又與貌傳犯複矣故時則有日月亂行星辰鄭注從夏侯勝改爲代
逆行鄭曰亂謂薄食鬪並見逆謂縮反明經天守舍之類也不言沴天天至尊無能沴之
者說曰凡君道傷者病天氣不言五行沴天而曰日月亂行星辰逆行
春秋曰王師敗績于貿戎不言敗之者以自敗爲文尊尊之意也按月之從星則以風雨是即

日月亂行之一也然則此經自王省惟
歲以下一節爲言皇極之得失明矣

又按五行傳曰凡六沴之作禦貌于喬忿禦言
于訖衆禦視于忽似禦聽于怵攸禦思心于有
尤禦王極于宗始鄭注曰止貌之失在于去驕
忿驕忿者是不恭之刑也謂若傲很明德忿戾
無期之類也訖止也言之失者在于去止衆止
衆者是不從之刑也止衆謂若周威厲王弭謗
以障民口之類也止視之失者在于去忽似忽
似者是不明之刑也謂若亂于是非象共滔天
及不辨鹿馬之類也怵讀爲獸不狘之狘攸讀

爲風雨所漂颿之颿止聽之失者在于去怵攸
怵攸者是不聰之刑也謂若老夫灌灌小子蹻
蹻誨爾純純聽我眊眊之類尤過也止思心之
失者在于去欲有所過欲者是不睿之刑也謂
若昭公不知禮而習小儀不修政而欲誅季氏
之類也宗尊也止王極之失者在于尊用始祖
之法度不言惡者人性備五德得失在斯王不
極則五事皆失非一惡也大者易姓小者滅身
其能宗治則錄延其受命之君承天制作猶天
之教命也今考五事及王極之沴爲六沴六沴

之來有禦之之法又有祀之之禮禦之之法即
禦貌于喬忿云云者是劉昭引續漢書建武二
年尹敏上疏曰六沴作見若是供御帝用不差
神則大喜五福乃降用章于下若不供御六罰
既侵六極其下尹敏所引皆五行傳文蓋王者
遇災而懼修德以禳則災化爲祥也祀之之禮
則六沴皆有神靈司之若木精靈威仰火精赤
熛怒土精含樞紐金精白招拒水精叶光紀爲
五天帝木帝太皞火帝炎帝土帝黃帝金帝少
皞水帝顓頊爲五人帝木官勾芒火官祝融土

官后土金官蓐收水官元冥爲五人臣皆當祀之但六沴之祀其禮荒遠廢已久矣今略不載九五福一曰壽二曰富三曰康寧四曰攸好德五曰考終命

鄭曰康寧人平安也攸好德民皆好有德也考終命考成也終性命謂皆生佼好以至老也此五者皆是善事自天受之故謂之福福者備也

詩十七之二
卷既醉正義

王曰好德言人君所好者道德爲

福傳曰壽百十年富財豐備康寧無疾病好德所好者德福之道考終命各成其短長之命以

自終不橫天

按天下之福極皆君身所致王肅專指君身而言非也

六極一曰凶短折二曰疾三曰憂四曰貧五曰惡

六曰弱

釋文折時設反又之舌反會選云時設反則音如喉舌之舌反則音如浙江之

浙曲禮短折陸但音市設反則陸意以前音爲正矣

鄭曰此福極之數本諸其尤者也凶短折皆天

枉之名未斲曰凶未冠曰短未婚曰折愚懦不

壯毅曰弱

史記集解周禮地官司關疏

凶短折思不睿之罰

疾視不明之罰憂言不從之罰貧聽不聰之罰

惡貌不恭之罰弱皇不極之罰此福極之數本
諸其尤者也福是人之所欲以尤欲者爲先極
是人之所惡以尤所不欲者爲先以下緣人意
輕重爲次耳馬曰凶終也傳曰凶短折動不遇
吉短未六十折未二十言辛苦疾常抱疾苦憂
多所憂貧困于財惡醜陋弱尪劣正義曰鄭以
爲凶短折皆是天枉之名而漢書五行志云傷
人曰凶禽獸曰短草木曰折一曰凶天也見喪
弟曰短父喪子曰折並與孔不同
按力行傳曰思之不睿厥極凶短折視之不明

之不恭厥極惡王極不建厥極弱鄭曰植氣失故于人爲凶

短折長氣失故于人爲貪生氣失故于人爲怒天爲憂

而無位高而無民賢人在下位而無輔此之謂貴

折也順之其福曰考終命與則冬溫春夏不和

傷病民故其極疾也順之其福曰壽旱傷百穀則有寇難上下俱憂故其極憂也順之其福

曰康寧寒則不生百穀上下俱貧故其極貧也
順之其福曰富水陽百穀衣食不足則妄仇並

是作也故順其極惡也一日民多被刑或形貌醜惡亦

亡位高而亡民賢人在下位而亡輔如此則君

五說不
事以
望庶
極徵
立能
義致
不六
公極
古而
今分
天配
地之
一不
子知
六極
極常
就諸

五事望桓立
非不必則合
庶徵今若以
風能傷

物而致凶短折則雨暘燠寒皆能傷物也以水旱與災
能致疾則風雨暘寒皆能致疾也以水旱與災
皆爲傷百穀而致憂致貧致惡則三者彼此皆
可以互易其說而分之實無可分安在其爲恒
暘屬憂恒寒屬貧恒雨屬惡乎皆妄也惟鄭注
其義獨精蓋五事配五行而五行之氣分行于
四時其德各有所主土寄王四季以殖養萬物
而春生夏長秋殺冬藏五氣每一季以殖養萬物
應之此特以其理之相屬氣之相合者約略而
言至于五事之在人身則聖人踐形復性務盡
其實原非必沾沾配合謂欲免于凶短折然後
修其思云也宋元以來俗儒泥于名義謂凶
短折未見其必當專屬心不睿云云于是遂以
福極爲泛指善惡之應不與五行事相關以
浮游影響之談亂經傳之旨而古訓蕩然矣至
以弱爲皇極不建之罰鄭注以皇極屬天天氣
失則弱尤爲精確五行說亦是故鄭取之而俗
儒以恒陰爲添設遂令皇極與庶徵福極俱不
相關皆妄也考說以六極對五福而其數多寡
不敵弱遂無對者蓋皇極原該五事皇極建則

五福並致皇極不建正當得弱而其餘五極亦無不相因而致矣福少極多一詳一略猶易之吉一而凶悔吝居其三也宋初張景因弱無可對遂改爲五福曰壽曰考終命六極曰凶短折此一極反二福五福曰康寧六極曰疾曰憂五福曰攸好德六極曰惡曰弱此二極反一福而林之奇等從之總以皇極爲無與於庶徵福極耳不知在天則以五帝統于上帝在地則以五行統于天古訓相傳遠有原本經宋人掃除撥棄不論何物混以一理一氣槩之反以六天爲鄭康成之罪案何其妄也弱之應皇極也明矣

又按洪範一篇以五行爲本故伏生作大傳又別述鴻範五行傳夏侯始昌等受之而爲之說董仲舒治公羊春秋劉向治穀梁春秋皆推災異傳以洪範向子歆治左氏傳亦言災異而其

所受五行傳本又頗不同睦孟京房谷永李尋之徒又益以漢事于是班固采取爲五行志自是以下續漢晉宋南齊北魏隋唐諸史皆本其說作志然班固敘述五行傳原流獨不及伏生蓋古者有經必有傳傳有附經以行者有與經別行者五行傳疑皆七十子之緒論而伏生特述之以授弟子故大傳本有鴻範而五行傳又自爲標目不以雜入其中其非伏生自言明矣故班氏略之但其傳授實出伏生故宋書志云九疇陳其義于前春秋列其效于後伏生朔紀

大傳五行之體始詳劉向廣演鴻範休咎之文
益備晉書志亦云漢興承秦滅學之後文帝時
處生創紀大傳其言五行庶徵備矣隋志亦云
書以九疇論休咎漢有伏生之倫能言災異是
傳之出伏生可無疑也且班固明言五行說出
夏侯始昌等而夏侯乃伏生弟子則傳出伏生
可知但班固所引有傳有說而或以劉歆之說
及已說參錯入于說中是以諸志采取每多舛
誤如南齊書隋書皆誤以說爲傳宋書誤以說
爲班固之言魏書稱說爲論而亦誤以傳爲論

又誤以爲劉歆及班固之言又南齊書所采五行一節之說多有添改但詞語雖有添改而意義全同殊覺無謂又于五行則獨不采土傳于五事則貌傳最詳言思傳差略視聽傳最略皆不可解隋書所添改其弊與南齊書同又魏書以災異爲一卷瑞應爲一卷總名靈徵志不名五行志其述災異以地震山崩雨雹雪霜等各分條目以類相從而不以五行五事爲序蓋別立體例非復前史舊觀要之諸史大略則皆伏生說也大傳今已殘缺幸五行傳并鄭注猶完

惟注亡土傳今並掇附諸節之下合而考之天人感應之理備矣。

西莊始存稿卷二十

西莊始存稿

卷二十

五